



گونئی آذربایجان تشکیلاتلاری امکد اشلیق
شوراسینین فعالیت پرینسپلری

اۇن يازى(مقدمه)

اورتا شرقده باش وئرن يئنى ژئوسياسى-ژئواستراتژى ديشيكلېكر،
اون ايللردير ايران جغرافياسيندا، ايرتيجاچى، فاشيست،
شووينيست، فارس محورلى رئىملر طرفيندن باسدئرلن و دونيانين
گورمزدن گلدىغى ميللى حركاتلار گئرجكىنى، آرتىق باسدئرلا و
گورمزدن گلينه بيلمىجك سويه لره چاتدىغىنن انلاشيلماسينا گتريب
چىخارمىشدير.

اۇزلىكله بو جغرافيانين ان بؤيوك ميللى قروپو اولان آذربايجان
مىلتينين و ديگر تورك توپلوم و توپولوقلارينين پتانسيلنى آرخاسينا
آلان آذربايجان ميللى حركاتينين، سون اون ايللردكى مۇعظم
يوكسلىشى، ديگر مىلتلرينده حركاتلارينا اۇرنك تشكيل ائتمسینه
وسيله اولموشدور.

بو گون گونئى آذربايجان ميللى حركاتينين اورتايا قويدوغو هدفلر و
سسلنديردىغى دئويژ-شعارلار يالنىز ايراندا ياشايان غيرى فارس
مىلتلره اۇرنك اولماقلا و مترقى دونيا اجتماعيتينين دقتينى
آذربايجان ميللى حركاتينين هدفلرينه جلب ائتمكله قالمامىش، عىنى
زاماندا، گونئى آذربايجان تشكىلاتلارئين فعاليت پرىنسىپلرينين و يول
خريطه سىنين تمل داشلارينا چئوريلمىشدير. ائله بورادان يولا
چىخاراق بىز – شورايا عضو اولان و بو سندن قبول ائدن تشكىلاتلار
بيان ائديرىك كى:

گونئى آذربايجان تشكىلاتلارنى امكداشلىق شوراسى اۇز فعاليتينده
ميللى حركاتىميزن آمال و ايدئاللاريني، ائلجه ده مىلتىميزين
سارسيلماسى ايراده سىنى سىمبوليزه ائدن "آزادلىق، عدالت، ميللى
حؤكومت" شعارى دئويژيني رهبر توتور و بو يوكسك دئرلر تمثيل
ائدير.

۱. ميلی ايدئولوژی و هدف:

گونئی آذربایجان تشکیلاتلاری امکداشلیق شوراسی تورک میلّی مفکورەسینین تّمّل پرېنسىپلرینە و آذربایجانچیلّیق ایلکسینە سؤيکئیر. گونئی آذربایجانین اراضی بوتؤولوغونون توخونولمازلیغینا اینانیر و اوغروندا موباریزه آپاردیغی آمال و ایدئاللاری تاریخی و میلّی گونئی آذربایجان جغرافیاسیندا گئرچکلشدیرمگی هدفلهییر. عینی زاماندا، شورا ایرانین فرقلی بؤلگه لرینده یاشایان یتورک توپلوم و توپلولوقلارینین، او جومله دن قاشقای تورکلی، گونئی تورکمنیستان، خوراسان تورکلی و ... موقدّراتینا بیگانه قالمیر، اونلارین حقوق و آزادلیقلارینی مودافیعه ائدیر.

۲. برابرلیک و وطنداشلیق پرېنسىپی:

شورا ایرقیندان، دیلیندن، دینیندن، جینسیندن، سیاسی و مدنی منصوبیتندن و ... آسئلی اولمایارق، گونئی آذربایجان اهالیسینی بؤلونمز بیر بوتون اولارق گؤرور و بو جغرافیادا برابر حقوقلو وطنداش جمعیتینین قورولماسی اوغروندا موباریزه آپاریر. شورا گونئی آذربایجاندا یاشایان بوتون آزلیقلارین (میلّی، دینی، مذهبی و ...) حقوقلارینین مودافیعه سی و تأمین اؤغروندا موباریزه آپاریر.

۳. میلی حاکیمیتین گئرجکلشدیریلیمسی:

شورا اؤز اوزرینه گؤتوردوغو وظیفه‌لری حیاتا کئچیرمک مقصدیله گونئی آذربایجاندا میلی حاکیمیتینین گئرجکلشدیریلیمسی اوچون دؤولت قوروجولوغونو ضروری حساب ائدیر و بو دؤولتین قورولوش فورماسینین موعینلشدیریلیمسینده یالنیز گونئی آذربایجان اهالیسینین ایستک و ایراده‌سینی اساس گؤتورور.

۴. دموکراسی و پلورالیزم:

شورا جمعیت قوروجولوغوندا دموکراتیک دیرلرین وازکئچیلمز اولدوغونا اینانیر، سیاسی پلورالیزم و فیکیر چئشیدللیغینی جمعیتین عوض‌سیز زنگینلیغی کیمی دیرلندیریر. گونئی آذربایجان جغرافیاسیندا حوقوقون اوستونلوقونون تأمین اولوندوغو، چاغداش، سئکولار و دموکراتیک بیر جمعیتین قورولماسی اوغروندا موباریزه آپاریر.

۵. جئندئر (جینسیت) برابرلیغی:

شورا قادین و کیشی آراسیندا برابر حوقوقلوقون گئرجکلشدیریلیمسی اوغروندا موباریزه آپاریر، قادین حوقوق و آزادلیقلارینین هر هانسی بیر (مدنی، میلی، سیاسی، دینی، مذهبی و ...) گرکچسی ایله محدودلاشدیریلماسینا قطعی شکیلده قارشى چیخیر.

۶. موباريزه فورمالاری:

شورا زوراکیلیق و تئرورو قطعى شکىلده رد ائدير، سيویل و مدنى موباريزيه اوستونلوك وئرير. عىنى زاماندا، آذربايجان مىللى وارليغىنين و آذربايجان اهالىسىنين جان و مال گوونليغىنين و ... تهلوکده اولدوغو ضرورى حاللاردا اؤزونو مودافيعه مقصديله بوتون مشروع (لئگيتيم) واسطه لردن اىستيفاده ائتمىي مقبول ساير.

۷. کئچيد دؤورونون ايدارهسى:

شورانين باشليجا هدفى گونئى آذربايجان جغرافياسيندا، يالنىز مىللى ايراده نين حاکم اولدوغو بير گونئى آذربايجان دؤولتىنى قورماقدان عبارتدير. عىنى زاماندا شورا ايران ايسلام جمهوريسى رئزيمىندن کئچيد مرحله سينده يارانا بيله جک غىرى-موعىنلىک و هرج-مرجين(کائوسون) قارشى سىنى آلاق، اونىتار (واحد) مرکزىيت چى يئنى بير فارس شووينىست حاکىمىيتىنين فورمالاشماسىنا اىمکان وئرممک و مىلت لرین اؤز موقدراتىنى تعيين ائتمسى سوره جىنى باشلاتماق مقصدى ايله آذربايجان تورک مىلتىنين مىن'اىللىک دؤولتچىلىک تجربه و عنعنه سینه اساسلاناراق، کئچيد دؤورونون ايداره سینه، مستقىل آلتئرناتىو کىمى طالب اولدوغونو بيان ائدير. شورا بو مسؤلىتى، بو جغرافىادا ياشايان ديگر غيرفارس مىلت لر و خالقلارلا بيرلىکده، اورتاق مکانىزملر ياراداراق حياتا کئچيرير، بو حاقدان شورانىن پلاتفورمو ياخين گله جکده يايىنلانا جاقدير.

۸. میلتلرین اؤز موقدّراتینی تعین ائتمه حاقی: شورا یالنیز آذربایجان میلتینین دَییل، ایراندا یاشایان دیگر میلتلر و خالقلارین دا، اؤزلیکله قاشقای تورکلری، گونئی تورکمنیستان، خوراسان تورکلری و دیگر تورک توپلولوقلارینین، آزاد ایرادهلری ایله اؤز طالعلرینی موعین ائتمک حوقوقونا حؤرمته یاناشیر و بو حوقوقون دموکراتیک اساسلاردا گئرجکشمسی (رئاللاشماسی) اوچون گرکلی شرایطین یارادیلماسینی ضروری حساب ائدیر.

۹. شورا آدیندان، موذاکیرهلر، آنلاشمالار، راضیلاشمالار، ایشبیرلیکلری و ... گونئی آذربایجان تشکیلاتلاری امکداشلیق شوراسینین قراری اساسینا گئرجکشدیریلیر.

۱۰. شورا، عضو تشکیلاتلارین موستقیل لیغی پرنسیپینه حؤرمته یاناشماقلا برابر، یوخاریدا یازیلان پرنسیپلرین بوتون عضو تشکیلاتلار اوچون باغلایجی اولدوغونو بیان ائدیر.

گونئی آذربایجان تشکیلاتلارینن امکداشلیق شوراسی:

۱. آذربایجان دموکرات فیرقه سی – آ.د.ف

۲. آذربایجان مرکز پارتیسی – آ.م.پ

۳. آذربایجان میلی دیرئیش تشکیلاتی – دیرئیش

۴. آذربایجان اؤیرنجی حرکاتی – آزوح

۵. گونئی آذربایجان جومهوریت پارتیسی – آ.ج.پ

۶. گونئی آذربایجان دموکرات پارتیسی – گادپ

۷. گونئی آذربایجان ایستقلال پارتیسی – گایپ

۸. گونئی آذربایجان میلی دؤولت آلیانسی – م.د.آ

۹. گونئی آذربایجان قورتولوش پارتیسی – گاقپ